



Borgarráð

Reykjavík, 14. september 2026

MSS26090034

Samkomulag um framkvæmd rannsóknarinnar Reykjavík Index á Íslandi

Lagt er til að borgarráð samþykki áframhaldandi samstarf um framkvæmd rannsóknarinnar Reykjavík Index á Íslandi fyrir árið 2026 í samræmi við hjálagðan samning. Reykjavíkurborg leggur til fjárframlag fyrir gagnaöfluninni sem fer fram á Íslandi árið 2026 að upphæð kr. 1.000.000. Kostnaður greiðist af kostnaðarstað 09510, ýmsar samningsbundnar greiðslur.

Greinargerð:

Þann 2. september 2021 var samþykkt í borgarráði samkomulag milli Reykjavíkurborgar, Háskóla Íslands og Women Political Leaders fyrir árið 2021 um framkvæmd rannsóknar Reykjavík Index sem er kynnt á Heimspingi kvenleiðtoga ár hvert. Rannsóknin skoðar hvernig viðhorf almennings er ólíkt til kvenkyns leiðtoga annars vegar og karlkyns leiðtoga hinsvegar. Reykjavíkurborg hefur styrkt framkvæmd Háskóla Íslands fyrir árin 2021 til 2025. Fyrir liggur erindi frá Félagsvísindastofnun HÍ um að Reykjavíkurborg styrki framkvæmd rannsóknarinnar fyrir árið 2026. Miðað er við að gerður verður samstarfssamningur vegna þessa og fylgir slíkur samningur hjálagt.

Ísland hefur undanfarin ár mælst fremst meðal þjóða heims þegar kemur að stöðu kvenna. Góð staða jafnréttismála á Íslandi í alþjóðlegum samanburði er ein helsta ástæða þess að landið varð fyrir valinu sem vettvangur Heimspings kvenleiðtoga. Þátttaka Íslands í Reykjavík Index rannsókninni getur haft víðtæk áhrif og nýst til að styðja við jafnrétti, umræðu um jafnréttismál og tengsl þeirra við farsæla samfélagsþróun.

Hildur Björnsdóttir
borgarstjóri

Hjálagt:

Samningur Reykjavíkurborgar og Félagsvísindastofnunar Háskóla Íslands um framkvæmd rannsóknarinnar Reykjavík Index á Íslandi.

Ósk um styrk fyrir framkvæmd rannsóknarinnar Reykjavík Index á Íslandi, dags. 4. september 2026.

Greinargerð um ráðstöfun styrks, dags. 4. september 2026.

Reykjavíkurborg, kt. 530269-7609, Ráðhúsi Reykjavíkur, Tjarnagötu 11 og Félagsvísindastofnun Háskóla Íslands, kt. 600169-2039, Gimli - Sæmundargötu 10, 102 Reykjavík, gera með sér eftirfarandi

Samkomulag

1. gr. Tilgangur og gildissvið

Reykjavíkurborg leggur til fjárframlag í þeim tilgangi að standa straum af kostnaði við framkvæmd rannsóknarinnar Reykjavík Index á Íslandi sem er kynnt á Heimspingi kvenleiðtoga ár hvert. Fyrir liggur að Heimspingi kvenleiðtoga verður haldið árlega á Íslandi til ársins 2028. Félagsvísindastofnun Háskóla Íslands hefur óskað eftir áframhaldandi styrk Reykjavíkurborgar um framkvæmd rannsóknarinnar fyrir árið 2026.

2. gr. Skuldbindingar og greiðslur

Samningur þessi gildir fyrir árið 2026 og greiðir Reykjavíkurborg Félagsvísindastofnun Háskóla Íslands kr. 1.000.000 til að standa straum af framkvæmd rannsóknarinnar Reykjavík Index á Íslandi 2026. Framlag Reykjavíkurborgar greiðist af kostnaðarstað 09510. Greiðsla skal fara fram gegn framvísun reiknings. Reikningurinn skal stílaður á Reykjavíkurborg, kt. 530269-7609. Nafn Félagsvísindastofnunar Háskóla Íslands, kennitala og heimilisfang skal einnig koma fram á reikningnum sem skal vera með fyrirfram prentuðu númeri nema Félagsvísindastofnun Háskóla Íslands hafi hlotið undanþágu frá því.

3. gr. Abyrgðaraðilar og tengiliðir

Umsjón og eftirlit með framkvæmd samkomulags þessa annast skrifstofa borgarstjóra og borgarritara hjá Reykjavíkurborg og tengiliður Félagsvísindastofnunar Háskóla Íslands.

4. gr. Eftirlit, eftirfylgni og kynningarmál

Að loknu starfsári ársins 2026 skal Félagsvísindastofnun Háskóla Íslands skila Reykjavíkurborg greinargerð um ráðstöfun fjárframlags Reykjavíkurborgar. Í samræmi við samþykkt borgarráðs frá 26. maí 2016 skal styrkþegi í greinargerð um ráðstöfun fjárframlags skila kyngreindum gögnum um þá sem eftir atvikum veita eða njóta tiltekinna þjónustu eða gæða vegna styrkveitingarinnar og sérstaklega verði greint frá því hvaða áhrif framlagið hefur á stöðu jaðarsettra hópa fólks sbr. mannréttindastefnu Reykjavíkurborgar. Styrkþegi skal láta þess getið í kynningarefni að verkefnið sé styrkt af Reykjavíkurborg.

5. gr. Fyrirvarar, vanefndir og meðferð deilumála

Reykjavíkurborg áskilur sér rétt til að rifta samkomulagi þessum og/eða krefjast endurgreiðslu ef sannanlega er um forsendubrest eða vanefndir að ræða af hálfu Félagsvísindastofnunar Háskóla Íslands. Telji annar samstarfsaðili sig ekki geta uppfyllt ákvæði samkomulags þessa skal tilkynnt um það tafarlaust skriflega. Ef fjárframlag frá Reykjavíkurborg er notað í öðrum tilgangi en samkvæmt samkomulagi þessu eða á þann hátt að gengur í berhögg við markmið og stefnu Reykjavíkurborgar áskilur Reykjavíkurborg sér rétt til að rifta samkomulaginu og/eða krefjast endurgreiðslu framlagsins að hluta eða öllu leyti þegar í stað. Rísi mál vegna efnda samkomulagsins skal það rekið fyrir Héraðsdómi Reykjavíkur.

6. gr. Framsal

Félagsvísindastofnun Háskóla Íslands er óheimilt að framselja skyldur sínar samkvæmt samkomulagi þessu án samþykkis Reykjavíkurborgar. Samkomulag þetta er gert í tveimur eintökum og heldur hvor aðili sínu eintaki.

Reykjavík, [dags.] 2026

F.h. Félagsvísindastofnunar Háskóla Íslands

F.h. Reykjavíkurborgar

Vottar að rétttri undirskrift, dagsetningu:

Nafn

Kt.

Nafn

Kt.

Ósk um styrk fyrir framkvæmd rannsóknarinnar Reykjavík Index á Íslandi árið 2026

Árið 2021 var gert samkomulag á milli Reykjavíkurborgar, Háskóla Íslands og Women Political Leaders um framkvæmd rannsókna sem ber heitið Reykjavík Index og er kynnt á Heimsþingi kvenleiðtoga ár hvert. Í rannsókninni er skoðað hvernig viðhorf almennings er ólíkt til kvenkyns leiðtoga annars vegar og karlkyns leiðtoga hins vegar. Rannsóknin er framkvæmd af rannsóknarfyrirtækinu Verian (áður Kantar) og hefur náð til G7 ríkjanna auk annarra ríkja, meðal annars Norðurlandanna, Kenía, Nígeríu o.fl. Háskóli Íslands hóf samstarf við Verian árið 2021 og framkvæmdi slíka rannsókn á Íslandi árin 2021, 2022, 2023, 2024 og 2025. Reykjavíkurborg styrkti framkvæmd Háskóla Íslands frá árinu 2021 og með þessu bréfi er óskað eftir því að Reykjavíkurborg veiti styrk fyrir gagnaöfluninni sem fer fram á Íslandi árið 2026 að upphæð kr. 1.000.000.

Ísland hefur undanfarin ár mælst fremst meðal þjóða heims þegar kemur að stöðu kvenna. Góð staða jafnréttismála á Íslandi í alþjóðlegum samanburði er ein helsta ástæða þess að landið varð fyrir valinu sem vettvangur Heimsþings kvenleiðtoga.

Þar sem umræddur Reykjavík Index er framkvæmdur í samhengi við Heimsþing kvenleiðtoga, og kenndur við Reykjavíkurborg, er mikilvægt að Ísland sé eitt af viðfangsefnum rannsóknarinnar.

Reykjavík 04/09/26

Virðingarfyllst,


Guðberg K. Jónsson,

forstöðumaður Félagsvísindastofnunar Háskóla Íslands

Greinagerð um ráðstöfun styrks

Með tilvísan í samning um framkvæmd rannsóknarinnar Reykjavík Index á Íslandi, sem er kynnt á Heimspingi kvenleiðtoga, og Reykjavíkurborg leggur til fjárframlag í þeim tilgangi að standa straum af kostnaði við framkvæmd rannsóknarinnar gerir Félagsvísindastofnun Háskóla Íslands grein fyrir ráðstöfun fjárframlags Reykjavíkurborgar.

Kostnaður við framkvæmd rannsóknar tekur miða af verðskrá háskólans varðandi útselda vinnu. Í tilviki Reykjavík Index er um að ræða panelspurningakönnun með framkvæmdarskýrslu, en þá reiknast verð á spurningu sem utan HÍ texti, sem er 136.600 án vsk.

Reykjavík, 4.9.2026

Virðingarfyllst,



Guðberg K. Jónsson,
forstöðumaður Félagsvísindastofnunar Háskóla Íslands